

L'Original du Chant du Président Fondateur de L'Association LOUZOLO
Amour OPH, Grand Maître de L'OPH, Guy Emile LOUFOUA CETIKOUABO:
JE SUIS INCOMPRIS

Couplet 27 : Il n'y a pas un autre Nom qui peut sauver les hommes de leurs péchés
sur terre, au Ciel et partout en dehors de Celui de Jésus.

- 105 -

Je suis Incompris

NI KIARI KIA KINGI KUA MONO MUNTU A MASUMU
VA NTOTO, NI KIARI KIA KINGI
NI KIARI e, KIARI KIA KINGI en lari

NI KIADI YA MINGI NA MUNU MUNTU A MASUMU
NA NTOTO, NI KIADI YA MINGI
NI KIADI e, KIADI YA MINGI en munukutub

EZA MAWA MINGI NA NGAI MOTO YA MASUMU
NA SE, EZA MAWA MINGI
EZA MAWA, MAWA MINGI e en lingala

PITIE, PITIE POUR MOI POUR MOI PAUVRE PECHEUR
ICI SUR LA TERRE, PITIE, PITIE POUR MOI
PITIE POUR MOI, Ô PITIE POUR MOI

1.-- O Mpungu'a tulendo tua tuonsono
U ndemvokila mu mvu ya mvu ya mvu
O Mpungu'a tulendo tua tuonsono
Lemvokila ba bonsono

2.-- Tsiari kua mono bungu bu ngubi
Mu nkumbu'ami bu lutidi ntalu nadé
Tsiari kua mono muntu hô ntoto
Mfumu Yezu u mbanzila

3.-- Muntu ni muntu bu kaku mona
Fuéni wuna m'samu ngatu ba kunsu bubi
Tsiari kua mono muntu hô ntoto
Bu nkondolo ntangu yé buka tsia dzuna

4.-- Nzolélé zayisa kua ba bonsono ti :
Bionso di yi vanga : ka diami ko
Kansi dia ndiéna wa nsola
Mu longa mambu mandi ma n'longo

5.-- Ntumua ya ntété yi ya tambulua
Wa mvana nsikulukusu za zonsono
Ntumua ya ntété ya tambulua
Wa mvana ma monsono

6.-- Mu mfiétokoso za bantu ba ntoto
Na banza mu bembika salu nadé
Mu nkakumusé yé ntontolo
Ya zola bika mu sadisa

- 7.- Kansi bilumbu bia landila
Ya mona ntumua ya nzolé ya nzayisa :
Sadisa bantu ku tini ko
Nzambi wa kuhâna salu kio wéna yaku
- 8.- Ya mona onga et ya yindula
Mu ma monsono ma vova ntumua kua mono
Vukisa miéla mia mana kangama
Muna singa mia masumu
- 9.- Banzila Mfumu'aku Yezu ku kébanga
Fuku muini mpé mu ntangu zazo
Yandi ku vananga moyo a mvu ya mvu
Bu wuna katuka hâ nsi hâ
- 10.- Ntumua ya ntatu yi ya tambulua
Wa vova Nzambi wa kuvana sangu
Mu kuna dio kansi mbutu za nkaka
Ka zi ménanga buboté ko
- 11.- Yandi wa nzonzela diaka ti :
Mu kuna sangu, mu ménésa dio buboté :
Sola, yoka yé sansumuna kifulu
Yi bosi wa kuna dio
- 12.- Ngéyé yi kusua kia solua
Tuka mbandukulu mu sadila Nzambi nadé
Mu nata bantu mu mambu mandi
Mpasi bau mpé ba vulusua
- 13.- Muna nzungu mpasi yé kiari mu ntangu yi
Una sala salu kia kionso
Ku tini ko, kansi tatamana
Nzambi wéna yaku mu mamo
- 14.- Muna ngolo za Mpévé ya Longo :
Luizéno kwa Yezu ba nkundi ba bonso
Muna yengé lusadila Mfumu
Mu kala kwa yandi mvu ya mvu
- 15.- Lubokila bantu mu ndambu zazo
Mu ku ba nata kwa Yezu Mfumu'éto
Mpasi ba vulusua mu masumu mau
Yé baka moyo wa mvu ya mvu
- 16.- Luizéno béno ba nkundi babo
Mazulu ména ma zibuka kwa babo
Kuéna bifulu bia bionsono
Kuéna nkembo wu lembolo nsuka kuna

- 17.- Tua butulua mu masumu ba bonsono
Vova Mfumu Yezu, wô ntambula
Wiza kala do mu ntim'ami
Mfumu baka fulu mu ntim'ami nadé
- 18.- Lumbu kia nsuka mu kuiza kiéna :
Mfumu Yezu nkundi a babo una zuza
Sadila kimvuama kia mazulu nkundi
Ngadi wa kembosua kuna zulu
- 19.- Wonso tadidi kulunsi mu minu dia fuila
Mfumu Yezu Klisto mu bétô
Kanu masumu ma yambululu
Muna menga ma Mfumu Yezu
- 20.- Wonso wonso yambudi masumu
Kuikidi muna menga ma Mfumu Yezu
Yandi kotélé kintuari na mbazi
Za zulu tuka hâ nsi hâ
- 21.- Nkundi sadila yé kuikila Mfumu'a zi Mfumu
Tuka hâ ntoto bu wéna moyo tambudi mbila
Kisadi kia Yezu véna moyo wu lembolo nsuka
- 22.- Nkundi kéba nsiku mia Mfumu
Sadila mio, tuendi kuna zulu dia Sé
Wiza yé tsiari tsiaku tsionso
Vana nti wa fwila Mfumuréto Yezu
- 23.- Kuna gâta dia mvu ya mvu
Ku kalanga bantu ba longo kuéna Disé
Tuendi nkundi tua bundana
Yé ya wu kimosi yé béna longo
- 24.- Kuna nsi yina ya vénila
Ku kalanga ba longo mambi ka ma koté ko
Nga nkundi : ngé wa kubama ?
- 25.- Luiza ba nkundi, tambula mpulusu
Lusakumunu, moyo wa mvu ya mvu
Bivéno kua makanda ma bantu
Ngáyé nkundi, tuendi ku moyo
- 26.- Bika mbi ya ntoto
Wiza mu sadila Mfumu'aku Yezu
Ku bokélé lolo
Banza nkundi lumbu kia mfundusu
Kiéna bonso lumbu kia Noa

- 27.-- Ka kuéna nkumbu ya nkaka ko
Yi lenda vulusua bantu mu masumu
Mau va ntoto, ku zulu ndambu zazo
Kaka muna nkumbu ya Yezu
- 28.-- Kuna gâta dia tu sila Yezu dilu kiari
Lufwa ka bu kadi kuoko mu mvu ya mvu
Tuna yangalala kimosi yé bantu ba long
- 29.-- Wonso lembolo tambula mpulusu mu
Yezu Klisto wa tu fwila va nti
Yandi wuna tu bua kuna bilungi
Mvu ya mvu kuka sadila
- 30.-- Kuna fulu tsia solua kua ba nkua mbi
Dilu nkuéto so ména bika laka
Satana mfumu ya nsayi ya ntoto
Bana tu bua kuna tiya
- 31.-- Mbazi ya ntété yi nioka
Yamba luyi mfumu ya bau ba vila nzila
Yandi yé nkangu wa wo bana tu bua
Ku foloni kia tiya mu mvu ya mvu
- 32.-- Mu ntangu zina kuiza ba vulusua babo
Bana yangalala hâ ntoto, mpasi zi méni
Ku zulu sika yé kembela Mfumu Yezu-Klis
- 33.-- Ba kia zolia ba longo ba na sika
Kembela Mfumu a moyo mu mamu
Una kala ya wu mu mvu ya mvu
Mu nsayi ya lembolo nsuka : aléluya
- 34.-- Kuna zulu dia Tata Nzambi, nkembo zola
Yangalala bi kalanga ko : aléluya
Nkembo mu mazulu sika Mfumu Nzambi a ba
- 35.-- Aléluya mu ntangu zazo : aléluya
Nkundi sika Mfumu a bia bio
Aléluya kala kiésé nkundi
Bu wéka muntu wa mona muna Klisto
- 36.-- Kuna zulu tuna kutakana va kimosi
Yé mbazi za zulu yimbila
Kembila ntangu zazo va lusé
Lua Mfumu Nzambi'éto : aléluya

- 37.-- A aléluya, amen mu mvu ya mvu tu yimbila
Osana - a aléluya, amen - nkembo kuna mazulu
Ku bantu ba zolakana : aléluya
- 38.-- A aléluya, amen kiésé yé yengé kwa bantu
Ba zolakana vava nsi - a aléluya - amen
Aléluya, nkembo kwa Mvulusi Mfumu'éto
- 39.-- A aléluya, nkembo kwa Mfumu Yezu
Mvulusia bantu babo, kiésé, yangalala
Nkembo wa néné mu bau ba vulusua
Kwa Mvulusi Mfumu'éto
- 40.-- Mu kiésé ki lembolo nsuka
Tuna kâla kuna gâta (di)
Dia tua sadidi bu tuna tambulua
Yangalala va kimosi yé ba nlongo
- 41.-- Nkunga zi mbazi tu yimbila babo
Mu zitisa, kembela Mfumu a bia bio
Wa longo, wa longo mu mazulu
Nkembo mu nkwa ka yengélé
- 42.-- Klisto yi Mvulusi : aléluya - amen
Aléluya, amen, aléluya
Wa ntété wa nsuka nkundi éto
Mfumu Yezu mpungumu mu éto
- 43.-- Nkembo, nkembo, nkembo kwa ngéyé
Mpungu tu lendo, nkwa ka yengélé
Aléluya, nkembo, nzitusu mu mazulu
Ntangu ka yinani : a l e l u y a